

jMUP

*Informacioni sistem za evidenciju saobraćajnih i
vlasničkih dozvola automobila*

Business offer

Edgewise inc.

Zmaja od bosne bb
71 000, Sarajevo
Bosna i Hercegovina
www.edgewiseinc.co.ba

Poštovani,

Obzirom da se bavite evidencijom saobraćajnih i vlasničkih dozvola, upravljanje podacima vezanim uz ove dozvole predstavlja integralni aspekt Vaše poslovne djelatnosti.

Mi u kompaniji „Edgewise inc.“ smo svjesni toga da nepostojanje kompjuterskog informacionog sistema za evidenciju saobraćajnih i vlasničkih dozvola automobila donosi sa sobom i brojne probleme, kao što su:

- **Spora pretraga**, što usporava Vaš rad i smanjuje zadovoljstvo Vaših korisnika
- **Produženo vrijeme čekanja**, što obeshrabruje korisnike Vaših usluga, a Vaše uposlenike dovodi u stresne situacije
- **Nemogućnost efikasnog arhiviranja**, što ograničava upotrebljivost informacija koje posjedujete
- **Pouzdanost i sigurnost niskog nivoa**, što omogućava nekontrolisanu manipulaciju podacima
- **Komplikovana procedura modifikacije dozvola**, što smanjuje nivo kvaliteta Vaših usluga
- **Komplikovanost izvještavanja**, što umanjuje kvalitet Vašeg poslovanja
- **Otežano poštivanje zakonske regulative**, što dovodi u pitanje Vaše djelovanje

Svjesni smo i činjenice da su danas na tržištu prisutne brojne organizacije i kompanije koje nude konkurentska softverska rješenja koja pokušavaju riješiti problem vezan uz evidenciju saobraćajnih i vlasničkih dozvola.

No, mi smo uvjereni da smo Vam spremni pružiti znatno jednostavnije i elegantnije rješenje. Uvjeravamo Vas da je naše rješenje napravljeno u skladu sa Vašim potrebama, te je u skladu sa svim zakonskim procedurama koje poštujete. Naše rješenje će Vam omogućiti veću efikasnost i olakšanje pri svakodnevnim poslovnim izazovima. Ovo je rješenje koje će Vam biti ugodno i intuitivno, te koje će olakšati rad Vaših uposlenih.

U sklopu ove ponude, mi iz kompanije „Edgewise inc.“ nudimo Vašoj organizaciji softversko rješenje za evidenciju saobraćajnih i vlasničkih dozvola automobilima, čije će specifikacije biti navedene u nastavku.

jMUP

„jMUP“ je aplikacija koju je razvila naša kompanija. Naša nezavisna aplikacija će omogućiti Vama i Vašoj organizaciju mogućnost kompjuterizovane evidencije saobraćajnih i vlasničkih dozvola, čime ostvarujete brojne pogodnosti.

Aplikacija „jMUP“, je rješenje koje u prvom planu nudi, olakšavajući pristup pri unosu, pretrazi i ažuriranju postojećih podataka, te shodno tome olakšava postupak evidencije saobraćajnih i vlasničkih dozvola automobila, po propisima koje su navedeni u zakonu o osnovama sigurnosti saobraćaja na cestama u Bosni i Hercegovini kao i pravilniku o registriranju vozila u Bosni i Hercegovini.

Naš sistem nudi sljedeće mogućnosti:

- **Olakšanu evidenciju saobraćajnih i vlasničkih dozvola**, gdje korisnik sistema u svakom trenutku može evidentirati novu dozvolu ili ažurirati ranije evidentiranu dozvolu. Evidencija će biti uskladenjena po standardu formulara za evidencije saobraćajnih i vlasničkih dozvola automobila, radi lakšeg podučavanja korisnika za korištenjem sistema.
- **Pretragu saobraćajnih i vlasničkih dozvola**, na osnovu imena i prezimena vlasnika ili putem registracijskog broja automobila. Pretragu je moguće proširiti za dodatne parametre pri pretraživanju, na zahtjev klijenta.
- **Centralizovano skladište podataka** - evidentirane saobraćajne i vlasničke dozvole će se nalaziti unutar jedinstvene baze podataka. Bazi podataka, kao i podacima koji se nalaze u njoj, moguće je pristupiti u bilo kojem trenutku. Baza je dizajnirana po propisima koji su navedeni unutar zakona, koji propisuje da se podaci ne smiju brisati i da svi podaci moraju ostati dostupni u arhivi.
- **Podrška osnovnom procesu**, što podrazumijeva integriranje sa postojećom kompjuterskom opremom. U sklopu osnovnog procesa se podrazumijeva eventualna integracija sa postojećim informacionim sistemima.
- **Kreiranje izvještaja o vozilima koji se nalaze u bazi podataka**, bilo da se radi o aktivnim registrovanim vozilima ili vozilima koja su nekad bila registrovana, ali u trenutno su u neaktivnom stanju. Ovim izveštajima će biti moguće pristupiti u bilo kojem trenutku od strane korisnika aplikacije koji imaju privilegije pristupa istim. Moguće je dodavanje i dodatnih izvještaja o vozilima na zahtjev klijenta.
- **Kreiranje izvještaja o dozvolama**, u koje spadaju izvještaji o broju izdatih dozvola i broju dozvola koje ističu u skorije vrijeme. Moguće je dodavanje i dodatnih izvještaja o dozvolama na zahtjev klijenta.
- **Ograničenje pristupa informacionom sistemu**, gdje na zahtjev korisnika moguće je ograničiti pristup aplikaciji. Ograničenja pristupa mogu biti izdana osnovu korisničkih računa, ciljane grupe korisnika, lokaciju pristupa ili ograničenje broja korisnika koji koriste aplikaciju.

Prednosti jMUP aplikacije

„jMUP” informacijski sistem nudi:

- Unos podataka na **brz i jednostavan** način
- **Smanjeno opterećenje** radnika
- Drastično **smanjenje gužvi** na šalterima
- **Eliminiranje složenosti** papirologije
- **Brzo i jednostavno pribavljanje podataka** relevantnih za poslovanje
- **Jednostavnost i intuitivnost** korištenja aplikacije
- Veću **kontrolu** nad unosom podataka
- **Smanjenu mogućnost nepoželjnog manipulisanja** podacima
- **Validacija podataka** koja smanjuje mogućnost greške prilikom unosa podataka
- **Olakšanu integraciju** sa postojećom kompjuterskom infrastrukturom
- **Smanjenje troškova**

Zašto nas izabrati?

Kompanija „Edgewise inc.“ je nova i energična kompanija koja se bavi razvojem i održavanjem softverskih paketa. Naša kompanija je sastavljena od mladih i perspektivnih ljudi koji imaju jake želje za konstantnim vlastitim napredovanjem.

„Edgewise inc.“ je sa radom započela 2004. godine, i od tada se dosta toga promijenilo. Povećan broj zaposlenih, broj poslovnih partnera koje smo ostvarili u toku našeg djelovanja, te godišnji prihodi u 2013. godini koji su iznosili preko 450.000 KM su dokaz našeg kvaliteta.

Naši glavni ciljevi su:

- **Zadovoljstvo klijenata** i svih njihovih potreba
- **Dobri odnosi sa klijentima** i
- **Kvalitetan softver** isporučen u dogovorenom roku

Gore navedeno, kao i stručni kadar koji posjedujemo predstavlja garanciju za uspjeh projekta.

Smatramo da je mjerilo našeg uspjeha zadovoljstvo naših klijenata. Zbog toga naši uposleni su pomno odabrani stručnjaci iz mnogobrojnih IT oblasti. Te, iako broj poslovnih partnera raste iz godine u godinu, kompanija „Edgewise inc.“ osigurava svakom klijentu jednak stepen usluge od početka razvoja projekta, pa sve do njegovog održavanja. Trudimo se da svakodnevnom poslovnom interakcijom stvorimo ugodno okruženje iz čega mogu da proizilaze samo poslovni uspjesi.

Sve ovo je pomoglo tome da je „Edgewise inc.“ danas izrasla u jednu od vodećih softverskih kompanija na prostoru bivše Jugoslavije, no tu se ne mislimo zaustavljati.

Ponuda

„Edgewise inc” sa svojim „jMUP ” nudi jednostavno rješenje koje zagantovano vodi ka poboljšanju poslovanja, i kao takav je prilagođen potrebama uposlenika.

„jMUP” možemo implementirati i prilagoditi vašim potrebama u roku tri (3) mjeseca. Cijena proizvoda (uračunat proizvod, dokumentacija, obuka korisnika i sve dadžbine) iznosi 11.000 KM. Informacioni sistem je implementiran po propisima navedenim u zakonu o osnovama sigurnosti saobraćaja na cestama u Bosni i Hercegovini, kao i pravilniku o registriranju vozila u Bosni i Hercegovini.

Garancija na proizvoda je u trajanju od 5 godina, koja uračunava besplatne popravke mogućih smetnji do kojih je došlo ispravnim korištenjem naše aplikacije. Pored navedenog, mi nudimo besplatno održavanje aplikacije prvih 6 mjeseci.

Raduje nas potencijalna suradnja sa Vama, i nadamo se da ćete odabrati upravo nas i pridružiti se porodici zadovoljnih korisnika sistema koje su u nama prepoznale pouzdanog partnera.